

P R O O E M I U M.

8

^a In Epilogo
Novellæ 6.
Justin.

Jurisconsultis nescit Justinianum ^a Imperatorem hæc in Novellis statuere? Sanctissimi Patriarchæ uniuscujusque diœcesis hæc proponant in Ecclesiis sub se constitutis, & manifesta faciant Deo amabilibus Metropolitanis quæ à nobis constituta sunt: illi quoque rursus etiam ipsi proponant in Metropolitana sanctissima Ecclesia, & constitutis sub se Episcopis hæc manifesta faciant. Illorum verò singuli in propria Ecclesia hæc proponant.

VIII.
DE EPISCOPIS,
EORUMQUE
ELECTIONE,
EXAMINE,
PROFESSIONE
FIDEI, ORDI-
NATIONE ET
JURIBUS.

^b Can. 1. Conc.
Carthag.

Restat Episcoporum ordo, quorum singuli singulis Ecclesiis præficiébantur, populos sibi commissos prædicationis verbo pascen-
tes, Sacramenta per se vel per alios administrantes, poenitentibus
manus & poenitentiam pro delictorum gravitate imponentes, Cle-
ricos ordinantes, ac, ut paucis dicam, omnia parochiæ suæ mu-
nia sub Metropolitanorum autoritate obeuntes. Horum electio,
examen, Professio fidei, ordinatio, officium & autoritas sic
paucis describuntur in Concilio ^b Carthaginensi quarto. Qui Epi-
scopus ordinandus est, antea examinetur, si natura sit prudens, si do-
cilis, si moribus temperatus, si vita castus, si sobrius, si semper suis
negociis cavens, si humilis, si affabilis, si misericors, si literatus, si in
lege Domini instructus, si in scripturarum sensibus cautus, si in dogma-
tibus Ecclesiasticis exercitatus: & ante omnia, si fidei documenta verbis
simplicibus asserat, id est, Patrem, & Filium & Spiritum Sanctum
unum Deum esse confirmans, totamque Trinitatis Deitatem coessentialem
& consubstantialem & coeternalem & coomnipotentem prædicans: si
singularem quamque in Trinitate personam plenum Deum, & totas tres
personas unum Deum: si incarnationem divinam non in Patre, neque
in Spiritu Sancto factam, sed in Filio tantum credat: ut qui erat in
divinitate Dei Patris Filius, ipse fieret in homine hominis matris filius,
Deus verus ex patre, homo verus ex matre; carnem ex matris visce-
ribus habens, & animam humanam rationalem: simul in eo amba
natura, id est Deus & homo, una persona, unus Filius, unus Christus,
unus Dominus creator omnium quæ sunt, & author, & Dominus, &
rector cum Patre & Spiritu Sancto, omnium creaturarum: qui passus
sit vera carnis passione, mortuus vera corporis sui morte, resurrexit
vera carnis suæ resurrectione, & vera anima resurrectione, in qua
veniet judicare vivos & mortuos. Quarendum etiam ab eo, si novi
& veteris Testamenti, id est legis & Prophetarum, & Apostolorum,
unum eundemque credat authorem & Deum: si Diabolus non per con-
ditionem, sed per arbitrium factus sit malus. Quarendum etiam ab eo,
si credat hujus, quam gestamus, & non alterius carnis resurrectionem:
si credat judicium futurum, & recepturos singulos pro his quæ in carne
gesserunt, vel pœnas vel gloriam: si nuptias non improbet: si secunda
matrimonia non damnet: si carnum perceptionem non culpet: si poeni-
tentibus reconciliatis communicet: si in baptismo omnia peccata, id est,
tam illud originale contractum, quàm illa quæ voluntariè admissa sunt,
dimit-